

四庫全書

史部

欽定四庫全書

史部

皇朝通志卷三十八
至四十一

編修臣錢樾覆勘

總校官編修臣倉聖脉

欽定四庫全書

皇朝通志卷三十八

禮畧

吉禮三

大廟

臣等謹案鄭志列宗廟二門具詳歷代建廟之制
度其祭享儀節則分見於時享祫禘諸門我

朝

列祖以來

洪模景燦遠軼前代謹詳

盛京

太廟之始冠於篇首至

京師

太廟並詳稽

列聖以來尊崇升祔之典備著篇中即倣鄭志宗廟一門

之體例云

天聰十年四月

太宗文皇帝受尊號建國大清改元崇德即

盛京立

太廟於撫近門東崇德元年四月奉安

列祖

太祖神位於

太廟追尊

始祖為

澤王

高祖為

慶王

曾祖為

昌王

祖為

福王恭上

太祖尊諡曰

承天廣運聖德神功肇紀立極仁孝武皇帝
廟號

太祖

皇太后尊諡曰

孝慈昭憲純德貞順成天育聖武皇后

前殿安奉

太祖

太后神位

後殿正中安奉

始祖神位左安奉

高祖神位右安奉

曾祖神位次左安奉

祖神位皆南面是日

親行

大饗之禮五月薦櫻桃於

太廟時有以新櫻桃獻者

太宗文皇帝命薦於

太廟嗣後凡新進果品五穀先薦

太廟然後進御著為令

順治元年九月

世祖章皇帝定鼎燕京立

太廟於端門之左恭奉

太祖武皇帝神主

孝慈武皇后神主

大行皇帝神主奉安

太廟十月恭上

大行皇帝尊諡曰

應天興國弘德彰武寬溫仁聖睿孝文皇帝

廟號

太宗二年七月恭進

太祖武皇帝

孝慈武皇后

太宗文皇帝玉

冊玉

寶奉安

太廟五年四月以重修

太廟遣官祇告恭奉

神牌暫安

後殿六月以

太廟工成遣官祇告奉安

神位於

正殿十一月冬至追尊

列祖

太祖以上四世

始祖澤王為

肇祖原皇帝

始祖妣為

原皇后

慶王為

興祖直皇帝

妣為

直皇后

昌王為

景祖翼皇帝

妣為

翼皇后

福王為

顯祖宣皇帝

妣為

宣皇后是日

世祖章皇帝親詣

後殿奉安

神位致祭如時享儀七年二月恭上

大行皇太后尊諡曰

孝端正敬仁懿莊敏輔天協聖文皇后八年正月恭奉
孝端文皇后神主升祔

太廟前一日遣官祇告是日

世祖章皇帝親詣行禮先奉

神主祇見

太祖武皇帝

孝慈武皇后

太宗文皇帝

世祖章皇帝恭代行三跪九拜禮興恭奉

神主奉安於

太宗文皇帝之次行一跪三拜禮畢行大饗禮如儀九年

二月恭進

四祖考皇帝

四祖妣皇后

孝端文皇后玉

冊玉

寶奉安

太廟十年定

太廟懸慶成燈歲元宵自正月初七日起至十七日止十

八年正月

聖祖仁皇帝登極三月恭上

大行皇帝尊諡曰

體天隆運英睿欽文大德弘功至仁純孝章皇帝

廟號

金史卷之八十八
禮
卷三十八
世祖十月新建

太廟神厨門成十一月恭奉

世祖章皇帝神主升祔

太廟前一日遣官祇告是日

聖祖仁皇帝親奉

神主恭代行祇見禮奉安

神座行禮大饗如儀

後殿遣官行禮是年恭進

世祖章皇帝玉

冊玉

寶奉安

太廟

康熙元年四月恭改上

太祖武皇帝尊諡曰

太祖承天廣運聖德神功肇紀立極仁孝睿武弘文定業

高皇帝

孝慈武皇后尊諡曰

孝慈昭憲敬順慶顯承天輔聖高皇后恭加上

太宗文皇帝尊諡曰

太宗應天興國弘德彰武寬溫仁聖睿孝隆道顯功文皇帝奉安

神位於

太廟二年五月恭上

大行慈和皇太后尊諡曰

孝康慈和莊懿恭惠崇天育聖皇后九年閏二月諸王大

臣等遵

旨議奏

慈和皇太后配祀

世祖章皇帝宜加上

尊諡為

章皇后五月恭奉

孝康章皇后神主奉安

太廟十三年恭進

孝康章皇后玉

冊玉

寶奉安

太廟二十七年十月恭上

大行太皇太后尊諡曰

孝莊仁宣誠憲恭懿翊天啟聖文皇后是月恭奉

孝莊文皇后神主升祔

太廟大臣二人恭奉

世祖章皇帝

孝康章皇后神主避立于旁

聖祖仁皇帝恭奉

神主奉安於拜位恭代行祇見禮三跪九拜興恭奉

神主奉安於

孝端文皇后神位之次行一跪三拜禮興大臣二人恭請

世祖章皇帝

孝康章皇后神主奉安於拜位

聖祖仁皇帝恭代行祇見禮三跪九拜興大臣二人奉安
世祖章皇帝

孝康章皇后神主於寶座一跪三叩退行大饗禮如儀三

十三年恭進

孝莊文皇后玉

冊玉

寶奉安

太廟五十七年三月恭上

大行皇太后尊諡曰

孝惠仁憲端懿純德順天翊聖章皇后十二月恭奉

孝惠章皇后神主升祔

太廟先是奉

諭旨

皇太后係朕嫡母神牌升祔

太廟

奉先殿應安奉於

慈和皇太后神牌之上王大臣等遵

旨議奏得

旨是

太廟前殿致祭

孝惠章皇后寶座設於

世祖章皇帝寶座之次

孝康章皇后寶座設於

孝惠章皇后寶座之次至

中殿安奉

世祖章皇帝神位居中

孝惠章皇后神位居左

孝康章皇后神位居右均南嚮五十九年恭進

孝惠章皇后玉

冊玉

寶奉安

太廟六十一年十一月

世宗憲皇帝登極

雍正元年二月恭上

大行皇帝尊諡曰

合天弘運文武睿哲恭儉寬裕孝敬誠信功德大成仁皇

帝

廟號

聖祖八月恭加上

太祖承天廣運聖德神功肇紀立極仁孝睿武端毅弘文
定業高皇帝

孝慈昭憲敬順仁徽慶顯承天輔聖高皇后

太宗應天興國弘德彰武寬溫仁聖睿孝敬敏隆道顯功
文皇帝

孝端正敬仁懿哲順莊敏輔天協聖文皇后

孝莊仁宣誠憲恭懿至德翊天啓聖文皇后

世祖體天隆運定統建極英睿欽文大德弘功至仁純孝

章皇帝

孝惠仁憲端懿慈淑純德順天翊聖章皇后
孝康慈和莊懿恭惠溫穆崇天育聖章皇后
尊諡於

太廟恭上

仁孝皇后尊諡曰

仁孝恭肅正惠安和儷天襄聖皇后

孝昭皇后尊諡曰

孝昭靜淑明惠正和欽天順聖皇后

孝懿皇后尊諡曰

孝懿溫誠端仁憲穆奉天佐聖皇后恭上

大行皇太后尊諡曰

孝恭宣惠溫肅定裕贊天承聖仁皇后九月恭奉

聖祖仁皇帝神主

孝誠仁皇后神主

孝昭仁皇后神主

孝懿仁皇后神主

孝恭仁皇后神主升祔

太廟先是王大臣等議奏恭請

四后同祔

聖祖廟

尊諡並加仁字得

旨是又禮部等奏恭上

仁孝仁皇后尊諡仁字重複謹請改易恭上尊諡曰

孝誠恭肅正惠安和儷天褒聖仁皇后得

旨是奉

諭曰朕惟

母后升祔

太廟大典攸闕欲伸臣子之孝思必準前代之成憲務得
情理允協乃可昭示萬年諸王大臣等奏請

四后同祔

太廟引據宋朝太宗真宗四后祔廟之禮朱子及有宋諸

儒皆以為允當覽奏既得展朕孝敬無窮之心復合前代斟酌盡善之典不覺悲慰交集恭惟

孝誠仁皇后元配

宸極

孝昭仁皇后

孝懿仁皇后繼位中宮

孝恭仁皇后誕育朕躬母儀天下案先儒祔廟之議一元

后一繼后一本生以次並列今

母后升祔位次當首奉

孝誠仁皇后次奉

孝昭仁皇后次奉

孝懿仁皇后次奉

孝恭仁皇后如此庶於古禮符合而朕心亦安矣至期

世宗憲皇帝恭奉

聖祖仁皇帝神主親王四人恭奉

孝誠仁皇后

孝昭仁皇后

孝懿仁皇后

孝恭仁皇后神主升祔

太廟

世宗憲皇帝恭代行祇見

列祖

列后禮奉安

神座行大饗禮如儀三年五月恭修飾

太廟神牌六年十二月恭進

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后玉

冊玉

寶奉安

太廟先是大學士等遵

旨議

列祖

列后玉

寶修平舊篆敬鐫加上

尊諡新造玉

冊並舊進玉

冊一同珍奉至是行禮如儀雍正十三年九月

皇朝通志卷三十八
皇上登極十一月恭上

大行皇帝尊諡曰

敬天昌運建中表正文武英明寬仁信毅大孝至誠憲皇
帝

廟號

世宗恭上

孝敬皇后尊諡曰

孝敬恭和懿順昭惠佐天翊聖憲皇后

乾隆元年正月

命修

太廟三月以加上

列祖

列后

尊諡恭修飾

太廟神牌遣官祇告是月恭加上

太祖承天廣運聖德神功肇紀立極仁孝睿武端毅欽安

弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道

顯功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁

純孝章皇帝

孝惠仁憲端懿慈淑恭安純德順天翊聖章皇后
孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德

大成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

尊諡於

太廟二年三月恭奉

世宗憲皇帝神主

孝敬憲皇后神主升祔

太廟

皇上親詣行禮恭代祇見奉安

神座行大饗禮如儀三年二月興工修

太廟先期

親詣祇告恭奉

後殿

四祖

四后神牌

中殿

列祖

列后神牌暫安

前殿六月

後殿工竣恭奉

四祖

四后神牌還御前一日

親詣祇告九月

中殿工竣恭奉

列祖

列后神牌還御前一日

親詣祇告四年九月

前殿工竣

親詣敬瞻

御齋宮致齋三日行大饗禮是月恭進

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后

世宗憲皇帝

孝敬憲皇后玉

冊玉

寶奉安

太廟四十二年三月恭上

大行皇太后尊諡曰

孝聖慈宣康惠敦和敬天光聖憲皇后恭奉

神位升祔

太廟

皇上親詣行禮恭代祇見奉安

神座行大饗禮如儀恭奉

孝聖憲皇后玉

冊玉

寶奉安

太廟四十七年十月時享恭奉新造

五朝玉

冊玉

寶尊藏

太廟先是

列祖

列后

冊

寶皆隨時敬造玉色尺寸不相符合乾隆二十四年回部

底定和闐職貢歲致精璆

皇上命擇玉質之最良者一律虔造

五朝

冊

寶至是告成以時享大祭敬奉尊藏並

命敬徹舊藏

冊

寶於四十八年七月

命皇子親王恭送

盛京

太廟尊藏是年八月

皇上躬詣

盛京展饗如儀

皇朝通志卷三十八

欽定四庫全書

皇朝通志卷三十九

禮畧

吉禮四

時享

臣等謹按我

朝

太廟時享之制肇於建國之初粵自天聰六年二月

太宗文皇帝率貝勒諸臣詣

太祖高皇帝陵行時享禮八年除夕十年清明節皆

親祭

太祖山陵蓋當未崇建

宗廟之先皆

親舉典禮於

陵寢至天聰十年建立

太廟于是大饗薦新元旦清明節中元節除夕

萬壽節之禮以次舉行仰見

聖朝創制鴻圖垂模奕禩禮意之精胥肇於此謹錄紀
篇首以昭盛軌而

列聖循行之禮詳見於後我

皇上觀揚繼述孝治光昭歲舉精禋寅恭對越五十年
來非舉

春巡秋獮之典必躬親將事

孝思肫至垂示萬年洵立隆之極則已

崇德元年七月中元節

太宗文皇帝親饗

太廟十二月遣官祭

太廟時先期齋戒一日三年正月朔遣官祭

太廟自後元旦皆遣官祭七月中元節

親祭

太廟時先期齋戒三日十月

萬壽節遣官祭

太廟自後恭遇

聖節皆遣官祭五年二月清明節遣官祭

太廟八月以

太祖武皇帝忌辰遣官祭

太廟十二月除夕遣官祭

太廟時先期齋戒三日自後歲暮皆遣官祭八年二月清

明節遣官祭

太廟七月中元節遣官祭

太廟並告證明山東之捷

順治元年九月定制享恭奉

後殿

列祖

列后神位于殿中寶座皆南嚮奉

中殿

列聖

列后神位于

前殿寶座

太祖位南嚮

列聖以昭穆序東西嚮

帝

后同案

前殿

皇帝恭詣行禮

後殿遣官將事二年正月定

萬壽節祭

太廟儀奉

旨祭

太廟禮儀讀祝致祭

福陵

昭陵

四祖廟上香燭供酒果不必讀祝

臣等謹按是時于

盛京

太廟崇稱為

四祖廟云

二月禮部言凡遇清明等節致祭

太廟之期應令駐防

盛京總管分率城守章京往祭

福陵

昭陵兩京

祖陵令城守官奠祭

盛京

四祖廟令守廟總管官獻酒果從之閏六月定秋祭

太廟

盛京

四祖廟皆以七月朔用牛羊是月禮部請

壇

廟讀祝停讀漢文止讀滿文仍增設滿讀祝官八員一切

典禮俱照

本朝舊制行從之七月時享

太廟

世祖章皇帝親詣行禮嗣後皆

親詣如儀三年正月定

盛京

祖廟牲禮于歲除清明及慶賀祭如

京師例牲用生四年三月定薦熟牛停止進胙肉八

年二月定

親祭

太廟進胙肉福酒如祀

圜丘儀三月定齋戒規凡祀

太廟齋戒三日六月定

太廟祀典歲暮祭大月于二十九日小月于二十八日其

清明節祭各官不必陪祀祭肉用生十三年六月

定祭

太廟日

駕于黎明出宮

臣等謹按順治年

太廟祭祀禮制歲以正月之孟春與

萬壽節二三月之清明節四月朔七月朔十月朔十二月

之歲暮維時定制凡七

上親詣或遣官致祭皆時享也自十六年七月定舉行禘

祭于歲暮見後禘祭門是為

太廟祫祭之始前此十二月之祭實皆用時享之儀矣至聖祖仁皇帝時始定四時之祭專以正月孟春諏吉四月朔七月朔十月朔有事于

太廟與十二月歲暮大祫而五其每歲遇

慶辰令節皆于

奉先殿行禮此則迄今恭行

垂則于萬年者也

康熙元年正月時享

太廟

親詣行禮自後每歲時享皆

親詣如常儀十一年正月

飭太常寺習禮樂十二年十二月

諭禮部太常寺

壇

廟裡祀理宜嚴肅今觀祭祀執事之人過多殊為煩雜應
酌量裁減務令肅清尋議覆祭

廟執事之人及樂舞生今已遵

旨酌量裁減再考會典祭時祇有監察御史侍立之例其
禮部漢堂官應按班行禮停其侍立得

旨是十八年五月以改營

奉先殿恭奉

列祖

列后神牌暫安

太廟遣官祇告二十年二月以

奉先殿工竣遣官祇告

太廟恭奉

列祖

列后神牌還御二十四年正月時享禮畢

聖祖顧諭內閣學士太常寺卿等曰往見贊禮郎宣讀祝版至朕名聲輒不揚父前子名前經所載朕對越之次惟懼誠敬稍有未至無以昭格神靈為子孫者通名于祖父豈可涉于慢易嗣後俱應高聲朗讀無庸顧忌是

月又

諭內閣學士太常寺卿等曰前見

太廟致祭時執事官奉福胙由兩神位間趨走于尊

祖敬

宗之意未協且亞獻禮俱唱為次獻亦與漢文不符爾等
會同內閣禮部察例奏聞尋議奏執事各官應從外旁
趨走唱次獻應改為亞獻得

旨是二十五年十二月定陪祭官員不照加級有失儀者

監察御史禮部官員即指名題叅如

壇例行五十三年正月

命重修樂器

雍正元年正月時享

世宗憲皇帝親詣行禮自後並

親詣如儀

命

廟祭派王二人散秩大臣御史各二員部屬侍衛各四員

稽察失儀及扈從人等任意行走著為例十年二月

命齋戒日陪祀官懸齋戒牌十一年正月

命增定上香儀奉

諭享祀

太廟向無上香之儀朕意應確議增添至奠帛獻爵時恭立拜位無跪獻之儀大學士會同禮部酌古準今敬謹定議尋議覆唐以前典制尚用三代燔蕭之禮至宋代始有上香之儀並於每位前跪三上香其奠帛獻

爵亦如之爵以三獻明洪武間定制無上香奠帛之儀爵兩獻亦不跪至嘉靖改從宋制

本朝會典因明洪武所定而酌增之有奠帛有三獻爵而無上香之儀臣等敬謹詳議大祀奠重于

郊壇而孝享莫尊于

配

天至

宗廟之禮宜與

社稷壇同若同于

郊壇則逾于

社稷矣查祭

社稷壇時

皇上親詣

太社

太稷前跪上香則

宗廟上香自應一例至奠帛獻爵

太廟

社稷俱不親獻是以

皇上于拜位前恭立所以亞于

郊壇也似應仍照舊儀疏入從之十二年五月定供

列祖忌辰牌禮部遵

旨議奏嗣後恭逢

列祖忌辰請製龍邊粉油木牌敬謹書寫做齋戒牌例設

案安奉于禮部大門前令司員看護其九門各設

於潔淨寺院提督令員看護次日將牌繳禮部敬
謹收貯其直省大小文武衙門照在京例書牌安
設從之十月

飭禁止擅入

太廟雍正十三年九月

皇上登極定三年內享

太廟儀

皇上親詣或遣官恭代俱用禮服作樂先期齋戒用素

服冠綴纓緯視祝版用禮服時

上定行持服三年之禮

乾隆元年正月時享

皇上親詣行禮自後並

親詣如儀二年七月以營修

奉先殿恭奉

列祖

列后神牌暫安

太廟遣官祇告十月以

奉先殿工竣恭奉

列祖

列后神牌還御遣官祇告

太廟五年七月

勅禮部太常寺稽載祭器六年十一月

命審定

太廟樂章字譜十二年十月

命享

廟派宗人府王公一人監視執事宗室人員奉

諭向來祭享

太廟獻爵獻帛例用侍衛及太常寺官朕御極後俱令用
宗室人員蓋因宗支繁衍實惟

祖德所貽

一氣感孚昭格尤為親切且使駿奔走執豆籩有事為榮
亦得服習禮儀陶鎔氣質意蓋有在但演習禮節奉

常實所專司宗室既非所屬未必聽其指授嗣後每逢祭祀之期著派宗人府王公一人前往監視俾進退優嫻執事有恪以昭誠敬十三年正月

命敬造

太廟祭器倣古範銅十四年正月

命禮部尚書侍郎敬典祀事十七年正月奏準

太廟後殿奠帛獻爵一倣

前殿用宗室官之制均用覺羅官行禮又奏準饗

太廟日遇雨雪分獻官陪祀王公於兩廡廊下戟門行禮
其陪祀百官于左右門行禮三十七年大學士等
遵

旨議奏

太廟時享祫祭

皇帝入

廟之路舊制由

太廟街門左門至神路右降輦贊引官恭導至

太廟南門入左門詣戟門幄次今請改由廟垣北門循墻而東至戟門前降輿少節步趨之勞從之自乾隆元年以來時享

太廟皆

皇上親詣行禮惟恭遇

巡幸行圍之期遣官致祭儀節並見

大清通禮

禘祭

臣等謹按鄭志禘禘一門歷叙前代五年一禘一禘之制其為典禮未能合一而禘大禘小之說紛紜不定

國家定制行禘祭而未嘗行禘祭

聖祖仁皇帝時禮臣議曰夏商以前有禘之祭而其制未詳漢唐以後有禘之名而與禘無別惟周以后稷為始祖以帝嚳為所自出之帝太廟中原無帝嚳之位故禘祭不及帝嚳至禘祭時乃特設帝嚳之

位以稷配焉行于後代不能盡合故宋神宗時議
罷禘禮明洪武初亦議罷之至嘉靖中乃立虛位
祀皇初祖帝而以太祖配享事屬不經禮亦旋罷
洪惟我

國家受

天顯命追上

四祖尊稱立廟崇祀自

肇祖原皇帝始蓋我

太祖高皇帝為

太廟萬世之祖上而推所自出則締造之業以

肇祖為最著今

太廟祭祀四益分祭于

前殿

後殿以各伸其尊歲暮禘祭於

前殿以同將其敬一歲之中自

肇祖以下屢伸裸獻仁孝誠敬已無不極五年一禘之祭

不必舉行從之自

世祖章皇帝肇舉禘祭歲一舉行蓋推本

太宗文皇帝除夕享

廟之精意以垂則于萬年煌煌乎典章明備超越萬古矣

謹考禘祭之典著於篇

順治十六年七月定

太廟禘祭禮先是歲暮時享

前殿

躬詣行禮

後殿遣官致祭至是御史奏請

飭典禮諸臣廣稽舊典復歲暮禘祭之禮以彰孝治之隆

疏入

命禮部詳察典例以聞尋議覆請照會典舉行得

旨是歲除前一日奉

後殿

中殿

列聖

列后神牌合食

前殿先期一日遣官各一人分詣

後殿

中殿以大袷告是日太常寺卿率屬潔蠲

前殿恭設

列聖

列后神座於

殿內

肇祖原皇帝居中

原皇后配

興祖直皇帝左

直皇后配

景祖翼皇帝右

翼皇后配

顯祖宣皇帝次左

宣皇后配

太祖高皇帝次右

孝慈高皇后配均南向

太宗文皇帝東位西向

孝端文皇后配展兩廡配享位如時享儀祭日恭奉

列聖

列后神位奉安于各

寶座上行禮如時享儀嗣後

列聖

列后各以次東位西向西位東向恭奉如儀十七年三月
飭工部修造禘祭

神位器四十八年十二月禘祭

聖祖仁皇帝親詣行禮如儀

康熙元年十二月禘祭

親詣行禮如儀自後每歲暮皆

親詣行禮或遣官致祭如儀

雍正元年十二月禘祭

世宗憲皇帝親詣行禮如儀三年二月以

聖祖仁皇帝大喪三年禮終禘祭

太廟釋服即吉自後歲暮禘祭皆

親詣行禮如儀十三年十二月禘祭

皇上親詣行禮如儀

乾隆元年十二月禘祭

親詣行禮自後歲暮禘祭皆

親詣如儀二年十一月以

世宗憲皇帝三年喪終禘祭

太廟釋服即吉三十七年大學士等議奏禘祭

太廟

皇上入

廟之路改由廟堦北門循牆而東至戟門前降輿少省步

趨之勞又議奏禘祭

九廟合享舊制

皇上恭詣

中位上香畢迭至

列祖

列宗神位前上香往返凡有八次今謹議

肇祖原皇帝神位前

皇上恭詣上香

列祖

列宗神位請派親王皇子八人分列隨詣上香行禮以昭

敬簡從之

臣等謹按我

皇上虔恭

廟祀孝思純篤每歲

大禘儼恪將事禮節攸隆乾隆三十七年

聖壽已逾六旬始

命廷臣議定恭祀入

廟之路改由廟塹北門行禮之日

皇上詣

中位上香遣親王皇子分列隨詣上香蓋省步履之繁以
致敬誠之實恭讀三十九年

諭旨有云

壇廟大祀必親詣行禮朕年逾六十稍減步履之小節所
以益矢誠敬也萬世子孫其敬識朕意設非年至六
旬一切典章不可稍減倘蒙

上天眷祐年逾六旬方可遵朕現在所行舉行

訓諭煌煌昭示萬世所以祇承

天

祖釐定典章者無過不及垂裕萬年至深且遠矣

凡歲暮禋祭

太廟禮儀詳見

大清通禮

奉先殿

臣等謹按鄭志時享一門旁注薦新二字類叙列

代薦新之儀錯見于篇中我

朝自順治間定制日獻食月薦新朔望朝謁時節展
拜出入啓告恭遇

列祖聖誕

列聖

列后忌辰及諸令節慶典皆于

奉先殿

後殿行禮恭遇

皇帝萬壽元旦冬至及

國有大慶則恭奉

列聖

列后神位于

前殿祭饗禮儀宏重典制周詳謹恭述

奉先殿之禮次于

太廟之後仰見

聖朝盡誠盡敬追孝隆儀非前代所可幾及已

順治十三年十二月

世祖章皇帝命建

奉先殿于

景運門之東立

前殿

後殿均九間南嚮如

太廟寢制十四年正月初安

奉先殿神位祭儀禮部奏

奉先殿初安

神位

皇上親詣致祭內大臣侍衛內府官隨行禮太常寺贊禮

官贊禮樂舞生作樂各司其事以後

親詣致祭俱行家內禮內府官贊禮作樂致祭之先

上親詣

神位奉安

祀殿祭畢

上仍親奉安

後殿行禮其元旦冬至歲暮

皇上萬壽係大節諸冊封係大禮及月朔望俱應

親詣致祭內府官贊禮作樂其供獻與

太廟大祀儀同立春上元四月初八端陽重陽係尋常節

親詣致祭不贊禮作樂忌辰清明霜降十月朔係哀慕日期

親詣致祭不贊禮作樂七夕不致祭止如常供獻中元中

秋係望日常祭日期不必重行每月隨時薦新

上躬詣供獻即于

後殿行禮

上享

太廟及祭畢俱應上香燭于

奉先殿行躬告禮得

旨

奉先殿初次行禮宜用祝文餘俱如議十一月

奉先殿告成

世祖章皇帝親詣奉安

神位大饗如儀十七年三月定

奉先殿祫祭禮祭日遣官八員恭請

四祖暨

后神牌自

太廟迎入

奉先殿合享祭畢仍恭送

神牌還

太廟後殿五月改建

奉先殿

諭工部

奉先殿享祀

九廟稽考往制應除東西夾室行廊中建敞殿九間斯合
制度前興工時該衙門未加詳察連兩夾室止共造九
間殊為不合今宜于夾室行廊外中仍通為敞殿九間
以合舊制爾部即會同宣徽院詳議擇日興工十八年

正月

聖祖仁皇帝登極十一月恭奉

世祖章皇帝神主升祔

奉先殿行大饗禮如儀是後遇

列聖

列后升祔

太廟禮成即于是日恭奉

神牌奉安

奉先殿豫期祇告屆日行大饗禮禮成升祔奉安如儀

康熙十三年定

奉先殿早晚上香燭停止每日供獻九月奉

仁孝皇后神位升祔

奉先殿行大饗禮如儀

臣等謹案雍正元年八月改上

仁孝皇后尊謚其禮儀敬于

太廟一門詳叙

十七年閏三月奉

孝昭皇后神位升祔

奉先殿行大饗禮如儀

臣等謹按雍正元年八月恭加

孝昭皇后尊謚其禮儀俱詳叙于

太廟一門

十八年五月以改營

奉先殿遣官祇告恭奉

列祖

列后神牌暫安

太廟二十年二月以

奉先殿工竣遣官祇告

太廟恭奉

列祖

列后神牌還御

聖祖仁皇帝親詣行禮二十八年九月奉

孝懿皇后神位升祔

奉先殿行大饗禮如儀

臣等謹按雍正元年八月恭加

孝懿皇后尊謚其禮儀俱詳叙于

太廟一門

三十八年十二月重定

奉先殿祫祭禮奉

諭元旦諸臣俱齊人衆煩擾從

太廟請捧

四祖神牌往來朕心不安內閣會同內務府禮部太常寺

考典禮議奏尋議覆嗣後請遇元旦

聖節

奉先殿行禮時恭迎

太廟後殿

四祖神牌至

奉先殿行禮之處停止即于

太廟後殿照

奉先殿典禮供帛酒籩豆讀祝文遣官致祭從之

雍正元年七月以加上

列祖

列后

尊謚恭修飾

奉先殿神牌遣官行禮三年八月以

孝恭仁皇后大喪三年禮終享

奉先殿釋服即吉十三年

命增定上香儀如

太廟禮

乾隆元年三月以加上

列祖

列后

尊謚恭修飾

奉先殿神牌遣官行禮二年七月以修飾

奉先殿興工恭奉

列祖

列后神牌暫安

太廟是日

皇上親詣祇告十月以

奉先殿工竣恭奉

列祖

列后神牌還御是日

皇上出景運門外跪迎

神牌隨至

奉先殿致祭行禮十七年十月升祔

孝賢皇后神主于

奉先殿王大臣等奏伏查康熙十三年

孝誠仁皇后山陵禮畢升祔

奉先殿未祔

太廟我

朝既建

奉先殿與

太廟同尊是以

孝誠仁皇后大禮酌定升祔

奉先殿以安神與臣等原議

孝賢皇后神牌升祔

太廟祇係據依戴禮今敬謹詳考具奏伏候

訓示奉

諭旨

孝賢皇后神主遵照

孝誠仁皇后之例奉安

奉先殿前一日

皇上親詣

奉先殿祇告凡遇恭上

徽號

冊立

冊封

御經筵

耕藉

謁

陵

巡狩

回鑾及諸慶典均祇告于

奉先殿後殿

列聖神御

臣等謹案我

朝

列聖以來誠孝隆篤既崇建

奉先殿與

太廟同申孝享儀文詳備照耀簡冊至如景山之

壽皇殿

暢春園之

恩佑寺

圓明園之

安佑宮

避暑山莊之

永佑寺等處恭奉

御容之禮及移奉之歲月謹述鉅典著于篇中以昭

仁孝誠敬之極制焉

壽皇殿在景山東北

聖祖仁皇帝常視射較士于此

雍正元年四月恭奉

聖祖仁皇帝御容于

中殿

親詣行禮歲時奠獻敬以為常

乾隆元年十月供奉

世宗憲皇帝御容于

壽皇殿東室

皇上親詣行禮自後香燈供獻敬以為常與

中殿儀同十四年三月

諭內務府移建

壽皇殿于景山正中甃城戟門明堂九室仿

太廟之制而約之冬月告成十五年五月恭奉

太祖

太宗

世祖御容

列后御容于

壽皇殿並定行禮供獻儀注自後並歲時

躬親展禮如儀

恩佑寺在

暢春園雍正三年建四年三月

世宗憲皇帝恭奉

聖祖仁皇帝御容歲時展享

恩佑宮在

圓明園乾隆三年二月

皇上敬奉

世宗憲皇帝御容五年四月

命重建

安佑宮

大殿九室如

太廟規制八年十一月告成敬自

暢春園之

恩佑寺移奉

聖祖仁皇帝御容于中室奉

世宗憲皇帝御容于東室定供享禮儀凡遇

皇上駐蹕

圓明園皆

詣

安佑宮行禮

永佑寺在

避暑山莊乾隆十五年建十六年告成恭奉

聖祖仁皇帝御容于中室

秋獮駐蹕時申展禮二十七年八月恭奉

世宗憲皇帝御容于寺樓之東室同申展事

躬詣獻享一如

安佑宮之禮

臣等謹案雍正四年

世宗憲皇帝恭奉

聖祖仁皇帝御容于

恩佑寺嗣復于

養心殿及

圓明園之東佛堂恭奉

孝恭仁皇后神位

皇上祇遵

前典酌禮定制無踰于節乾隆八年既移奉

聖祖仁皇帝御容于

安佑宮而

恩佑寺則惟奉佛像自丁酉歲冬敬建

恩慕寺於

暢春園仰誌

慈恩亦惟供奉佛像以申瞻禮之忱恭遇

孝聖憲皇后聖誕令辰及除夕上元節日

大內則詣

壽康宮

寶座前行禮至

暢春園之

長春仙館

避暑山莊之

松鶴齋為

孝聖憲皇后舊

御寢宮

恩慕寺為薦福重地亦惟恭詣

寶座前行禮不復供奉

神御伏讀戊戌年

御製正月十四日作詩注云禮緣義起予惟恪奉

前規不敢稍有過不及如

壽皇殿向奉

皇祖

皇考御容而

皇祖妣

皇妣御容惟于除夕元旦同

列祖

列后

神御敬奉瞻拜至圓明園之

安佑宮則祇奉

皇祖

皇考御容未及

列后惟養心殿及圓明園之東佛堂

皇考時曾恭奉

孝恭仁皇后神位因亦遵奉

聖母神位至

壽康宮雖尊奉

慈闈頤慶年久但其地宜留為萬萬年奉養東朝所居奕
禊所當敬守于此安奉

聖母御容

神位何以示垂貽久遠之圖是以不敢輕率議加以協

舊典又讀

御製

思慕寺瞻禮詩注云

暢春園與

壽康宮相同均宜留為萬萬年尊養東朝之所若於此恭
奉

聖母神位

御容何以垂貽久遠且

皇祖神御今移奉於御園之

安佑宮而

恩佑寺則惟奉佛像茲

恩慕寺亦遵此以報

慈恩仰見

聖人定制酌中立極誠孝之隆禮文之節無或過無或

不及洵垂示萬年之盛軌矣

功臣配享

崇德元年四月追封禮敦巴圖魯為武功郡王配享
廟庭王妃並配同日追封費英東為直義公額亦都為宏
毅公並入配享

順治元年以武勳王揚古利配享九年六月追謚
功臣圖爾格為忠義公圖賴為昭勳公配享

廟庭十一年三月以多羅慧哲郡王額爾袞多羅宣猷郡
王界堪多羅通達郡王雅爾哈齊配享

廟庭王妃並配

雍正二年正月以大學士一等公謚文襄圖海配享
廟庭八年五月以和碩怡賢親王胤祥配享

臣等謹按是月奉

諭旨凡告

廟典禮所闕有書王名之處仍用原名今于王配食
列祖之鉅典遵書原名

九年追加武勳王揚古利為英誠公直義公費英
東為信勇公忠義公圖爾格為果毅公昭勳公圖

賴為雄勇公文襄公圖海為忠達公神牌增書追
封之號惟武勲王揚古利仍書王爵

乾隆十年以大學士鄂爾泰配享

廟庭十五年以定邊左副將軍固倫額駙喀爾喀扎薩克
和碩超勇襄親王策凌配享

廟庭二十年以致仕大學士張廷玉配享

廟庭時饗

太廟展

前殿兩廡配享神座東通達郡王次武功郡王武功郡
王妃次慧哲郡王慧哲郡王妃次宣獻郡王宣獻
郡王妃次怡賢親王均西向西信勇公費英東次
宏毅公額亦都次武勳王揚古利次果毅公圖爾
格次雄勇公圖賴次忠達公大學士圖海次趨勇
襄親王策凌次襄勤伯鄂爾泰次大學士張廷玉
均東向以北為上四十三年正月奉

旨禮親王代善睿親王多爾袞鄭親王濟爾哈朗豫親

王多鐸克勤郡王岳託各還勲號配享

廟庭尋議定東廡叙次禮親王在宣獻郡王之下睿親王
等以次叙列是年奉

旨超勇襄親王額駙策凌移於東廡怡賢親王之次

皇朝通志卷三十九